

I  
Zuej - f n c u l l e t p h  
u p u e l l e t p m s

II  
U n p i s t S u e h o

u l e p l e r  
336

o t t e h u  
1899

Սերեր

336

143

4.

Ս. դիր-Տարազի հրատարակչություն № 55

Վ. ՓԼՓԱԶԵԱՆՑ

2004

I.

2004

ՀԱՅ-ՔՈՇԱԼՆԵՐԻ ՎՐԱՆՆԵՐՈՒՄ

867

II

ԱՌԻԻՇԻ ՄԱՀԸ

Թ Ի Ը Ի Մ

Տպ. Վ. Մարտիրոսյանցի || Կ. Մարտիրոսյանցի.

Թբիլիսի, Մարտիրոսյանցի սրահի թիվ 12.

1899

891.99  
Կ-31



172

Дозв. цензурою. 4-го марта 1899 г. Тифлисъ.

7843  
41

¶

ՀԱՅ-ԲՈՇԱՆԵՐԻ ՎՐԱՆՆԵՐՈՒՄ





4398




I

ՀԻՅ-ԲՈՇԱՆՆԵՐԻ ՎՐԱՆՆԵՐԵՐՄ

(Հ Ա Տ Լ Ա Ս)

Բառէնի բարձրավանդակ բլուրների վրայ գարնանային եղանակ էր, ջրնայելով որ յունիսեան շոգեր էին սկսել դաշտի մէջ:

Գեռ Հեռաւոր գազաթների և ստերամած հովիտների յստակում սպիտակին էին տալիս ձիւնի շերտեր. բաց տեղերում, գորշ թացութեան մէջ՝ դալար կանաչութիւնը թաւշանման քնքշութեամբ գերգ էր կազմում՝ բժաւորւած և կտոր-կտոր եղած բազմաթիւ վճիտ փտակներով ու ջրակոյտերով: Մանիշակագոյն ծաղիկներ — գանգակաձև լալան, շեփորաձև



336-2004

ԼԲ 336



կակաջն ու փոքրիկ գողտրիկ գիններբուկը — խմբերով պսակ էին կազմել առւակների շուրջը. այս-այն կողմ գարնանային դեղին ծաղիկները գլուխ էին դուրս պարզում քարոտ վայրերի և փոքրիկ խորշերի միջից. հեռուն, բաւական բարձրացած ցորենի և գարու կանաչ արտերի մէջ բարձրագլուխ՝ կապոյտ շերտեր էին դնում խիաբուկները. իսկ կապոյտ շուշանը ճախնուտ կողմերում բացել, իր մեծ նուրբ շուրթերն էր ցնցում մեղմիկ գեփիւռի տակ:

Ալեձև կանաչ բլրակներ հետզհետէ բարձր, գոյնգոյն ծաղիկներով, փողիոզուն վտակներով շերտաւորւած սարահարթեր՝ միմիանցից գեղաճիճաղ, միմեանցից կենսապարար՝ շրջապատում էին այն մենաւոր անկիւնը, ուր գարնան սկզբից ի վեր բանակել իջել էր բոշաների մի ցեղ՝ գորշ վրանների տակ, մեղմիկ ցած հոսող

ջրվէժի կողքին, փոքրիկ, բաց շքեղ մի հարթութեան վրայ:

Գիւղերը հեռու չէին. մի քանի բլուրներ՝ և ահա տարածւում էր Հասան-Ղալայի դաշտը՝ կտրւած մեծ, պղտոր Երասխով: Ամեն կողմ բնակութիւններ. հեռւում՝ հնացած, խարխուլ քաղաքն ու իր ապառաժուտ կողքերով բերդը. դէպի ձախ՝ ոլորապտոյտ Դէւէ-բոյնուի կիրճը, դէպի աջ՝ Ֆասէնի շքեղ դաշտը. ապա, հօրիզօնի մշուշի մէջ լեռներ ու լեռներ, բարձրը, դաժան շղթաներ...

Բոշաների բանակած տեղը թէ գեղեցիկ էր և թէ ապահով. մի քանի քայլից յետոյ մի արահետ, քսան բոպէի վազբով կրհասցնէր Հերթև. ձիով երկու ժամ՝ դէպի բերդաքաղաք: Բոշա կինը կարող էր առաւօտ շուտով ելնել, մտնել դաշտը,



Հինդ-վեց գիւղ թափառել և երեկոյեան՝ վերջալոյսին՝ վրանները վերադառնալ:

Յերեկները վրանների առաջ քիչ բազմութիւն կար և քիչ էր կենդանութիւնը: Ահագին գամբոները քնում էին արևի տակ, էշեր, եթէ դաշտ չէին իջել, արածում էին բոշա մանուկների հսկողութեան ներքոյ. մանուկները խոտերի մէջ, մէջքի վրայ տարածւած, երազում էին բաց երկնքի առաջ, կամ քնում. իսկ տղամարդիկ, վրանների հովանու ներքև՝ մաղ էին գործում կամ փսիաթ: Մի քանի կանայք, դեռ ջահել հարսները, վրանի առաջ օջախ կազմած, փշերից ու գիւղերից բերւած փայտերից կրակ կազմել՝ կերակուր էին եփում, լացք անում, կամ թէ խումբ առ խումբ քիչ հեռու, ծաղիկների և ջրվէժի կողքին, գուլպայ էին գործում և խօսակցում:

Պիշերն էր, որ սկսում էր մի եռուն, զարթ կեանք այդ վրանների մէջ:

Վերջալոյսին ամենքը տուն մտած, տեղաւորում էին իրանց բերածը, ապա ճաշում. յետոյ, աթառակալի— իրանց ցեղապետի վրանի առաջ մի մեծ խարոյկ վառում և երբ մութը իջնում էր բլուրների վրայ, երբ լուսինը կաթնադոյն լոյսով ողողում էր այդ սքանչելի բարձրութիւնը -- պլպլացող խարոյկի շուրջն էին կիտում բոշաները. գալիս էր հովւական տիկը, և, օրւայ անցքերի մասին խօսելուց յետոյ, գիշերային լուծեան մէջ, շների ընդհատ ունոցների, մանուկների զարթ կանչերի միջից, սկսում էր երաժշտութիւնը. բոշայական տխուր, մեյամաղձոտ նւագը, որ արձագանք սփռելով՝ թրթռում էր, իջնում ծործորների խորքերը կամ երերուն ու մեղմիկ՝ զնում մեռնելու զէպի բարձրութիւնները:

Նւագում էր տիկը միաձայն, մի տխուր խաղի երկար տևողութեան միջից



մեղմաձայն արտայայտելով երգի տխուր ել և էջները, որոնք ելնում էին ոլորուն ու ճնշող, ապա հանդարտ ու գեղգեղ իջնում հալում էին միաձայն խազի գրկում:

Եւ տխուր խազը մի վայրկեան նրան հանդարտ օրօրելուց յետոյ, նորից բաժանում էր երգին և նորից նետում զէպի տարածութիւնը:

Սյդպէս ժամանակ շներն իսկ դադարում էին հաջելուց. խարոյկի սրվառած լոյսի հեռաւոր աղօտութեան մէջ, գլուխը թաթերի վրայ առած, անշարժ, ուշադիր, աչքերը երաժշտին, դէմքերը կծկելով լսում էին: Մանուկները ծնկները բարձր, գլուխը ծնկների վրայ, կուչ եկած կամ թաւալած խոտի մէջ և ակնարկը հօրիգօնին, աշխատում էին ո՛չ մի խազ չըկորցնել մեղմաղձոտ երաժշտութիւնից:

Ամեն բոշա սիրում է երաժշտութիւնը. այնքան է սիրում, որքան իր ազա-

տութիւնը, որքան իր բաց երկինքը: Ամեն բոշա մանուկ բանաստեղծ է, սիրահար երգի, սիրահար՝ լուսընկայ պայծառ երկնքի, պսպղուն կապոյտ երկնակամարի, դալար ու ջրաշատ բարձրութիւնների և մելամաղձոտ, հրագել տուղ երաժշտութեան:

Եւ ահա նստել են բոշա տղամարդիկ չիբուխները ձեռքերին՝ վառւող խարոյկի լոյսի մէջ ու գլուխը կախ՝ լսում. բոշա կանայք անդադար գուլպայ գործելով կամ բուրդ մանելով՝ խումբ առ խումբ տեղ են բռնել քիչ հեռու. և նւագողի դէմքն է միայն, որ ուռած թշերով և մեծ տիկը բերնին դէմ տուած, ոգևորւած ու կարմրատակած, աչքերը դէպի բարձր՝ լուսաւորում է կատարելապէս:

Յետոյ յանկարծ, միաձայն խազի մի բոպէ տեղականութիւնից յետոյ, նւագողը շարժւում է և սխում մի պարերգ. մի



կաքաւոյ, թռչկտուն, դարթ պարերգ,  
որ շարժումն է ձգում մանուկների մէջ,  
շարժում է մինչև իսկ շներին:

Կանայք միմեանց երեսի են նայում,  
տղամարդիկ կանանց՝ աչքով պարի հրա-  
ւերում, մանուկները սողալով աւելի մօտ  
գալիս, յետոյ, մէկէն, մի երիտասարդ  
ցատկում է մէջ տեղ, ձեռքերը տարա-  
ծում, մարմինը կոտրտում, նազանքներով  
սահում գետնի վրայից և իր վրայ պտոյտ  
գործելով՝ շրջաններ է գծում խարոյկի բո-  
լորքը: Ու բոշաները սկսում են մեղմիկ  
ծափահարել. մի քանիսը բլթամատով և  
երրորդ մատով շրջափայտում են, ուրիշները  
խուլ ձայնով շուշաղանում. ցեղապետը սի-  
րալիր ժպտում է և զոչում:

— Դէհ, աղջիկներ, ձեզ տեսնեմ...

Բայց կանայք դեռ չեն շարժուում.  
գեռ նազ են անում, միմեանց առաջ մը-  
ղում, միմեանց հրաւիրում:

Ապա մի հարս, մի համարձակ կին,  
ոստիւնով ելնում է և առաջ նետում:  
Երիտասարդը ետ է քաշում ու նստում.  
այժմ կինն է պարողը. միասին չեն պա-  
րում:

Սրանում է կինը ձեռքերը շրջափայ-  
տելով, մէջքն ու իրանը կոտրտելով. եր-  
բեմն այնպէս կռանում է և շնորհալի դէ-  
պի գետին հասնում, որ կարծես մտադիր  
է պառկել. այդպէս կռացած ու մէկ կող-  
քի թեքած՝ նա առաջ է գնում և յան-  
կարծ զսպանակի պէս վեր նետում ու  
նորից մէկ այս մէկ այն կողմ ծուելով,  
ձեռքերն օրօրելով, կռները պտտցնելով,  
զլուխը այս-այն կողմ, ժպիտը դէմքին՝  
սահում է. կարծես ոտքը գետնին չէ դիպ-  
չում:

Նրան, քիչ յետոյ, դէմ առ դէմ է  
գալիս մի ուրիշ կին և ահա սկսում է  
խաչի պաւր: Երկու հանդիպակացները



միւսնոյն շարժումներով զիմաւորում են  
իրար ու խաչեր կազմում. կանոնաւոր  
խաչեր, կենդրոնը խարոյկը. ո՛չ մէկի շար-  
ժումը միւսից չի զանազանում. ճուշում  
են միասին, նոյն նագանքներն անում,  
նոյն ամանակով մատները շրջափայտում  
և նոյն ընդհանր խաչաձև գծերի ծայրերը  
հասած՝ միաժամանակ դառնում, դէպի  
կենդրոնը սրանում և կենդրոնից դէպի խա-  
չի թւերը սահում...

Այդ բոլորը կատարում է այնքան  
արագ, այնքան ճշտութեամբ, որ սքան-  
չելի մի տեսարան է պատկերանում միա-  
ժամանակ դէպի կենդրոնն եկող և ապա  
լայնութեան թւի ճիւղերն զնացող  
գոյգից:

Տասնևհինգ ընդհանր, տասնևհինգ խաչ  
ձևացնելուց յետոյ, երկու կանայք երկա-  
րութեան թւի ծայրերից դէպի կենդրոնն

են գալիս, միմեանց զլուխ տալիս և պա-  
րը այդպիսով վերջանում է:

Այնուհետև երաժշտութիւնը պահ մի  
լուում է: Սկսում է մի խօսակցութիւն:  
Ամեն ոք պատմում է իր տեսածն ու լը-  
սածը, դաշտից, գիւղերից բերած նորու-  
թիւնները: Սկսում են սուր խօսքեր, կա-  
տակներ, փոքրիկ պատմութիւններ... Մա-  
նուկները ժողոված հեռուն՝ խաղում են.  
աթոռակալը խրատներ է կարդում: Բո-  
լորը պատկառանքով լսում են այլոքին,  
այդ փորձած նահապետին, որ գիտէ բո-  
լորի ցաւերը, բոլորի ուրախութիւնները:

Յետոյ նազողը դարձեալ տիկը ձեռք  
է առնում, ուռեցնում և ահա կանանց  
ու տղամարդկանց խումբը միասին, ըս-  
կսում է երգել նախ մեղմ, ապա ուժգին՝  
և սարահարթը լցում է մի անուշ երա-  
ժշտութեամբ: Մանուկները քիչ-քիչ ըն-  
կերանում են, խարոյկը բոցեր արձակում,



ճարճատում, շողում ու կարմիր գոյն սրփ-  
ռում խմբի վրայ...

Ահա այսպես էին կեանք վարում Բօշ  
վրանների մէջ բնակւող և թափառական  
այն հայ բոշաները, որոնց մէջ էր եկել  
քիչ հանգչելու Մարգօն, առնելով իր աղ-  
ջիկը Էրզրումից:

Բօշ վրանների բնակիչները Փոքր-  
Ասիայից, Բոյբաթի կողմերից ելած, թա-  
փառելով մտել էին Էրզրումի նահանգը  
և երկու տարուց ի վեր, գարնանից ըս-  
կած՝ վրանաբնակ, ձմեռը գիւղերում,  
կտրել էին ամբողջ երկիրը և այժմ Բա-  
սենի դաշտումն էին մտադիր անցկացնել  
այդ ամառը:


Մարգօին բոլորը ճանաչում են և  
ամենքը յարգում: Մարգօն իր օջախը, իր  
վրանը չունի. նա հիւր է ազգակիցներից  
մէկի մօտ. բայց ինքն իր աշխատանքով  
է ապրում: Ոչ մի բոշա կին նրա պէս

336-2004  
861  
(3843)  
44

ճարպիկ, շատ հաւաքող և մեծ պա-  
շար բերող չէ ամբողջ վրաններում.  
ոչ ոք նրա պէս երկիրներ տեսած,  
ամեն անկիւն, ամեն ճանապարհ ճանա-  
չող չըկայ և ոչ ոք սակայն՝ նրա պէս  
մուսյլ ու տխուր, լուի ու մտախուհ չէ  
ամբողջ ցեղի մէջ:

Բոլորը զիտեն Մարգօի պատմու-  
թիւնը...

Այնտեղ, դէպի Բոյբաթ տանող ճա-  
նապարհի վրայ, դրանից շատ տարիներ  
առաջ, երբ Մարգօն դեռ իր ցեղի ամե-  
նասիրուն հարսն էր, Կ. Պոլսից եկած մի  
անցորդ թիւրք աստիճանաւոր տեսել էր  
նրան և զէնքի ոյժով խլելով՝ բռնաբա-  
րել, թողել էր ու անցել: Մարգօին հի-  
ւանդ՝ Բոյբաթ էին իջեցրել. նա մտքումը  
դրել էր անպատուօղից վրէժ առնել: Թո-  
ղել էր տուն ու տեղ, ամուսին, որդի, զը-





նացել էր Կ. Պոլիս, աստիճանաւորին որոնելու և չէր գտել: Եկել էր Երզնկայ, նոյնպէս չէր գտել. յետոյ վերադարձել էր իր երկիրը և ինչ տեսել: Իր ամուսինը, իր Արթէնը ոչ միայն թողել էր բոշալութիւնը, այլ և թիւրքերի հետ միացած՝ ամեն տեսակ չարիքներ էր տեղում ազակիցների գլխին, մատնում էր, դաւաճանում, բոշա հարսների թիւրք պաշտօնեաներին տանում և որը առաւելն է, դաւազրութեամբ ամբաստանել էր ծերունի աթոռակալ Մովսէսին, ինքը թիւրքացել, բռնի բոշաների ցեղապետ էր կոչւել ու մի թիւրք կին տուն բերելով օջախը պղծել...

Մարգօն այդ բոլորին չէր դիմացել. աշխատել էր ամուսնուն համոզել, տանել իր հետ, հեռացնել այդ ստորութիւններից: Բայց Արթէնը վռնգել էր նրան, կոպտաբար մերժել:

Եւ այն ժամանակ Մարգօն կատաղի, դաշոյնահարել էր ամուսնուն, գլորել նրան թոնիրի մէջ և նրա արիւնով սրբել իր օջախի անպատուութիւնը...

Բայց ղեռ իր հօր օջախը պղծւած էր մնում. ղեռ իրան բռնաբարողից վրէժ չէր լուծւած. մինչև այժմ Մարգօն, լի վրէժխնդրութեան ծարաւով՝ վնասում է վատին, որոնում նրան երկրի ամեն անկիւններում և քանի չէ գտնում, այնքան տխրում է, մոայլում. մոռացել է նա ամեն ինչ. միտքը միայն և միմիայն իր վրէժին է յարւած...

Եւ լուռ ու խօհուն՝ նստել է Մարգօն ահա կանանց խմբի մէջ գլուխը ծընկան, ձեռքը գլխին յենած, աչքերը կրակին՝ անցել է իր հին յիշողութիւններին: Յիշում է որ ինքն էլ մի ժամանակ պարում էր զւարթութեամբ խաչի այդ պարը



և ոչ ոք չէր կարող նրա հետ մրցել: Յիշում է, որ տղամարդկանց խելքը գնում էր, երբ նա կարմրած ու բոցափայլ աչքերով, իր վայելուչ երկար ու ճկուն հասակը ոլորտելով, սեթևեթ շարժումներով սահում էր գետնի վրայ, նազանքներով աչքերը ոլորում, դիւթիչ ժպիտով շուրջը կախարդում և ապա, հպարտ այդ բոլորով, գնում էր նստելու կանանց մէջ՝ տրդամարդկանց աչքը միշտ իր վրայ: Յիշում է, թէ ինչպէս բոլորը նախանձում էին իր ամուսնուն, որ այդպէս քաջ, գեղեցիկ և համեստ կին ունէր...

Իսկ այժմ. ինչ է նա: Գեղեցկութիւնից միայն աչքերն են մնացել, որ այլևս չեն բոցավառում, այլ լի են մրմառաց ու տխրութիւն՝ սիւսող խոհերով. հասակը նոյնն է, բայց այլ ևս ոչ գողտրիկ, ոչ ճկուն և դէմքի վրայ, կիզացած այրւած կաշին խորշումել է, կնճիռներ կազ-

մել. այտերը փոս են ընկել, շրթունքները դառն արտայայտութիւն ստացել և սիրտը, որ մի ժամանակ այնքան զարթութիւն, այնքան հրապոյր էր սիւսում, այժմ ճնշւած է, դառնութեամբ լի և վիրալից...

Եւ երբ սկսում են երգել, Մարգօն յիշում է որ ինքն էլ երգում էր այդ մասնակցում նրան, որ ինքն էլ իր քաղցրը ձայնով հրապուրում էր բոլորին և վաղուց, վաղուց էր որ մի խազ չէր հանել կոկորդից. մոռացել էր իսկ երգի խօսքերը...

Ու դառնացած սկսում է լսել:

Խմբական երգը կանգ է առնում: Այժմ, մի տղամարդ, ձայնը բարձրացնում է և սկսում մի հնամեայ երգ.

Թէև մութն իջաւ

Երկինքը պատեց,



Թէ՛ւ սառ ելաւ  
 Երկիրը պաղեց,  
 Բայց մթան միջից  
 Լոմ աղջիկն ելաւ  
 Ու սառի միջից  
 Ջերմութիւն սփռեց:  
 Լոմ աղջիկ սիրուն,  
 Աչերդ լոյս տւեց.  
 Լոմ աղջիկ սիրուն,  
 Սիրտդ ջերմ սփռեց...

Դրան իբր պատասխան, լոմ (բոշա)  
 կանանցից մէկը գլուխն է բարձրացնում  
 ու երգում:

Թէ՛ւ մութն ընկաւ  
 Երկինքը պատեց,  
 Թէ՛ւ սառ ելաւ  
 Երկիրը պաղեց,  
 Բայց մթան միջից

Ե՛ս քեզ լոյս կըտամ,  
 Եթէ՛ դու լինիս  
 Իմ տանը Հսկան:  
 Եւ սառի միջից  
 Ես քեզ սիրտ կըտամ,  
 Եթէ՛ դու լինիս  
 Առիւծի նման:  
 Լոմ տղայ կտրիճ,  
 Աչերս քեզ կըտամ,  
 Լոմ տղայ կտրիճ,  
 Սիրտս քեզ կըտամ...

Այս ընդդիմախօսական երգը շարունակում է և ամեն անգամ երգում են տարբեր կանայք: Եղանակը զոդտրիկ ու կայտառ, բայց միատեսակ է և նմանում է վիճաբանութեան: Մանուկները թողնում են ամեն բան և մօտենում. աթռուկալը ժպիտը երեսին՝ զիտում է վէճը. տղամարդիկ տաքանալով՝ միմեանց են քաջալերում



և կանայք միմեանց յորգորում՝ աւելի սուր պատասխաններ շարադրելու: Եւ հովական տիկը իր միաձայն խաղովը ձայն է բռնում երգելիս, իսկ միջավայրերում մի թեթեւ նախերգանք հնչեցնում: Ըստ երևոյթին երգը մի հին, վաղածանօթ երգ էր. բայց վարպետութիւնը նրանումն էր կայանում, որ երգողը պարտաւոր էր նոյն յանգերով և նոյն եղանակով ինքնուրոյն, նոր բան արտադրել: Որքան սրամիտ էին առաջարկները կամ պատասխանները, այնքան զովաւանք և հրճանք էին ստանում:

Ահա շարժում է մէկը, ձայնը բարձրացնում և յանպատրաստից՝ բանաստեղծում:

Թէ և մութն ընկաւ

Երկինքը պատեց,

Թէ և սառն ելաւ

Երկիրը պաղեց,  
Բայց խիստ խաւարում  
Համբոյրը լոմ աղջկայ  
Չըթունքիս զիպած՝  
Խոշոր յոյս կըտայ.  
Եւ սառած երկիրը  
Լոմ աղջկայ սիրով  
Չոգի կըղառնայ:  
Լոմ աղջիկ սիրուն,  
Համբոյրդ յոյս կըտայ.  
Լոմ աղջիկ սիրուն,  
Սէրդ կեանք կըտայ...

— Իհէ, էհէ, վատ չէր. ասում է  
աթոռակալը— ապա տեսնենք, կանանց  
կողմից ինչ պատասխան կըգայ:

Եւ մինչ տիկը նախերգանքն է  
անում, կանայք իրարու մէջ փսփսում են,  
յետոյ մէկը ժողովում է իրան և պատաս-  
խանում.



Է՛յ մթան միջից,  
Կանչող լոմ լախուղ \*)

Է՛յ սառի միջից,  
Աղաչող մանուս. \*)

Լոմ աղջիկն երբէք  
Քեզ համբոյր չի տայ,

Լոմ աղջկայ սիրտը  
Քեզի չի դառնայ,

Եթէ քո ձեռքը

Երկաթ չըփշրի,

Եթէ քո սրտից

Աշխարհ չըհալի:

Լոմ տղայ քնած,

Լոմ աղջիկն երբէք

Ոչխար չի դառնայ,

Որ զայ ու քեզ հետ՝

Միշտ խոտ արածայ...

— Բն, բն, բն... կանչում է աթո-

\*) Բոշա տղամարդ.

\*\*) Մարդ.

ուակալը — կերտը, Գիյօր, այս էլ քեզ պատասխան. մարտեցիր...

Ու բոշաները բոլորն էլ զւարթ ծիծաղ են արձակում: Յայց հովական տիկը շարունակում է. կանայք սկսում են տղամարդկանց ծաղրելով՝ գրգռել. սրանք էլ ամաչած՝ դրդում են իրանց միջի երիտասարդներին՝ ամօթով չըմնալ:

— Ծօ, ինչ էք ձէններդ կտրել, մարդիկ, կանչում է մի ծերունի — ո՛ւր է լեղուներդ. վնչ ես ձեզ ինչ ասեմ...

— Կնգայ խօսքի տակը մնա՛լ... Ծօ, չըխօսէ՛ք.

Վերջապէս մէկը հագում է ու երգում.

Ես մթան միջից

Կանչող լոմ լախուղ,

Ես սառի միջից

Աղաչող մանուս,



- արք քն Զեռքս երկաթ փշրի,  
 Գեղ կօշիկ շինի,  
 Միրոս աշխարհ զիւթի,  
 Ոտքիդ տակ բերի,  
 Լո՛ւ աղջիկ սիրուն,  
 Աս՛, քնչ կուգես,  
 Որ ինձ համբուրիդ  
 Արժանի տեսնես...

Կանայք իրար են անցնում, այժմ  
 ամենքն են ուզում պատասխանել. ամեն-  
 քը բորբոքել են:

Բայց յանկարծ Փարգօն, որ լուռ  
 լսում էր, շարժւում է, բուռն շարժմամբ  
 դէն է հրում կանանց և ի զարմանս բո-  
 լորի, խոստ ու խուլ ձայնով եր-  
 գում.

Է՛յ դու մթան մէջ,  
 Կուչ եկած լախուզ,

Սառուցների մէջ  
 Չորացած մանուս.  
 Ելի՛ր, մէլդան եկ.  
 Աղջիկս քեզ կըտամ,  
 Աշխարհում մուրամ՝  
 Բերեմ քեզ պահեմ,  
 Եթէ դաշոյն ձեռքիդ  
 Օջախս սրբես,  
 Եթէ թշնամուս  
 Ոտիս տակ բերես...

Ասում է ու հրաբորբօք աչքերով ոտ-  
 քի ելնում:

Բոլորը ապշել են. տիկը լուռ է և  
 մի բոպէի խոր, անշշուկ լուռթեան մէջ  
 լսում է նորից Փարգօի խրոխտ, զողո-  
 ջիւն ձայնը, որ այս անգամ առանց եր-  
 գելու գոչում է.

—Տեսնեսք, ո՞վ է այն լո՛ւ կտրիճը,  
 որ աղջկանս և օջաղիս համար ցուպը



ձեռք առնի, գայ ետևիցս և իր կեանքը  
զոհի!...

...Ու ճարճատուժ է խարոյկը, լուռ են  
բողաները. և բնութեան անորոշ, տխուր,  
զիշերային շշուկն է որ սահելով լեռների  
կողերից՝ գալիս խառնում է ջրվեժի մեղ-  
միկ շառաչիւնին. լուսընկալ տարածութիւ-  
նը մշուշի քողով աղօտացել է շրջակայ-  
քում, խարոյկի արնեգոյն կիսալոյսի մէջ  
տեսնում են արևակէզ, ակօսւած, կնճը-  
ռալից, տխուր դէմքեր...



II

Ա Ռ Ի Ի Տ Ի Մ Ա Հ Ը





## Ա Ռ Ի Ի Ծ Ի Մ Ը Հ Ը

(Ջ ր ո յ ց)

Անապատի մէջ արշաւող, անտառը  
թունդ հանող և ազատութեան մէջ մեծ-  
ցած խրոխտ առիւծը թակարդի մէջ ըն-  
կաւ:

Անտառից ելած՝ որս էր որոնում,  
շուրջը ահ սիրելուն համար՝ մտովին  
հրճւում, երբ յանկարծ գլխուց ընկաւ և  
մի ցանցի մէջ իրան բռնւած գտաւ: Մի  
ցանց ահռելի, յամրաբար շարժող, կրճ-  
կող-գայարուն, որ մի բոպէի մէջ կաշ-  
կանդեց նրան, քսշեց-հաւաքեց ու կծիկ  
դարձրեց: Աչ մի շարժում իսկ գործել չէր  
կարող. մի խումբ կոշտ կապեր, սարդի



ճանկերով՝ պարզեցին նրան և առիւծը  
ընկած էր խճճւած, կապւած...

Առիւծը մռնչաց, կատաղեց, բռռն  
ճիզեր գործեց, ոստոստեց, կապերը կրծո-  
տեց, որչափ ոյժ ունէր՝ գալարեց, տան-  
ջեց, բայց ոչ շղթան փշրեց, ոչ էլ ցան-  
ցը պատուեց...

Անտառի քաջը, կենդանիների ար-  
քան զերի էր այլևս: Իր կեանքում եր-  
բէք կապեր չէր տեսել, արգելքի առաջ  
զլուխ չէր ծռել. կտրել էր դաշտ, ձոր,  
անապատ անհուն. անցել էր անտառ,  
գետեր սրբնթաց. տրորել փշրել, մագլցել  
լեռներ... աշխարհն ամբողջ ոտնատակ  
տւել, ազատ օդի մէջ ապրել անկաշկանդ,  
ազատ էր սնւել, ազատ էլ ծնւել և ահա  
այժմ կձկած, գալարած, ցանցով խճճած,  
գետնին պինդ գամած, անհասկանալի

կապերով սեղմած, չէր էլ բմբռնում թէ  
ինչ էր եղել, ինչու բանտարկւել և կամ  
մի էր նրան այդպէս խղճուկ, դառն դը-  
րութեան մէջ ձգել:

Մռնչաց, ոստնեց, ժամերով ճգնեց.  
ապա՝ յուսահատ, աչքերը փակած, գլու-  
խը կրծքին, բաշը իջեցրած՝ սկսեց  
խորհել:

Ի՞նչ էր այդ ոյժը — իր ոյժից շատ  
բարձր, այդքան խորամանկ և այդքան  
ճարպիկ. սկսն էր ահռելի այդ շանթող  
ձեռքը, որ աներևոյթ՝ պարզւած դէպի  
նա, անտառի հերոսից կծիկ էր շինել ու  
անշարժ, գերի՝ դաշտի մէջ գամել:

Եւ նա վեր նայեց: Մի թեթև ու  
թույլ խշրտուք լսեց, ապա, իր ցանցից մի  
քայլ հեռու մի մարդ նշմարեց: Մարդն  
էր այն — չնչին արարածը, որից տաս-  
նեակներ նա պատառոտել բղկտել էր յա-  
ճախ և որն այժմ այնտեղ, ցանցի կապը



ձեռին, նայում էր իրօխտ որսին, նայում հրճւանօք, ծաղրում արքային, ծաղրում հսկային...

Ելաւ, ուզեց ոստնել, յանդուզն ծաղրողին մի պատառ շինել, վշրել, տրորել... Բայց մարդը կապը ձգտեց և ցանցը կուչ եկաւ, աւելի սեղմեց ու առիւծի ջանքերն ի դերև հանեց...

Օհ, ինչ անկում, ինչպիսի՜ վիճակ։ Խաղալիք լինել մարդի ձեռքի մէջ։ Ենթարկւել ծաղրի, հեռու անտառից, խըլւած անապատից, ազատ վայրերից, ստորացուցիչ կապերի մատնւած, անյոյս ու գերի!...

Եւ առիւծը դառնացած՝ լացաւ աղիողորմ։ Ու նրա լացից անտառը դողաց, ժայռերը հնչեցին, դաշտը թունդ ելաւ...

Օրերով մնաց առիւծը ցանցի մէջ. նրան կեր տւին. բայց ոչինչ բերանը չա-

ռաւ. նրան շրջապատեցին. բայց նա լուռ մնաց, լուռ և յուսահատ, մահւան ցանկացող...

Մի օր էլ մի մեծ վանդակ բերին դաւաճան ցանցի կողքին, յետոյ առիւծին ստիպեցին ելնել. ցանցը լայնացրին, շիկացած երկաթներով հզօրին առաջ մղեցին և նկուն դարձրած՝ վանդակի մէջ առին։

Այժմ կապ չըկար, բայց երկաթէ ամուր ձողերով կազմած չորս բարձր պատեր։

Առիւծը փորձեց բացւածքների միջով նեղնալ՝ դուրս սահել. գլուխը դէմ տուաւ, հսկայ ոստիւններով ձողն ի վեր թռաւ, կատաղի քայլերով վանդակի մէջ վազվզեց, հնարք որոնեց, դրսում երևցող ազատ երկնքին կանչեց, ազատ տարածութիւնը տենչաց, ապա ամբողջ վանդակը ցնցեց, դղրդացրեց... Բայց տեսաւ



որ գուր էր, ամեն ջանք ունայն և որ  
գերի էր, բռնաձ, կաշկանդաձ...

Տխուր ու տրտում նստեց վանդակի  
ձողերի առաջ, ոտները ծալեց, պոչը հա-  
ւաքեց, գլուխը թաթերի վրայ առաւ և  
աչքերն անյագ տենչանքով լիքը, սևե-  
ռեց հեռու՝ իր անապատին, իր գոռ ան-  
տառին, ուր երէկ դեռ ևս հպարտ ու  
խրոխտ՝ անցնում էր ազատ, ուր երէկ  
դեռ ևս իր լայն թոքերով շնչում էր,  
փունջում...

Ահա այն ժայռը, այն մեծ լերկ քա-  
րը, որի կատարին կանգնել էր ժամերով,  
արևի տակ հանգչել, հեռուները դիտել,  
իւր սուր աչքերով որսեր որոնել և արհա-  
մարհոտ՝ ոտքերի մօտից սահող մողէսնե-  
րը զննել, դեռուների փոքրութիւնը ծաղ-  
րել...

Ահ, որքան կուգենար այժմ այդ  
մողէսների պէս փոքր լինել, սահել վան-

դակի ձողերի միջով, գնալ ապրել միշտ  
խուլ խոռոչներում, աւազների մէջ, չնչին  
բան դառնալ, առիւծ չըլինել, միայն թէ  
ազատ. ազատ կապերից, վանդակից. բնու-  
թեան ծոցում ուզած տեղն ապրել, ուզած  
տեղը մեռնել...

Վերջապէս մի օր վանդակը շարժե-  
ցին, օրերով՝ գլորած տարին, յետոյ ինչ  
որ երերուն տախտակի վրայ ամրացրին և  
մեծ ջրի վրայ լողացնելով՝ տարան բազ-  
մամարդ երկիր հանեցին:

Առիւծը այդ բոլորը տեսաւ զարմա-  
ցած: Ծովի ալիքների, կապուտ տարա-  
ծութեան առաջ զմայլած մնաց — իւր ա-  
նապատը կարծեց. յետոյ վանդակի շուրջը  
ժողովուող ժխորին նայեց քամահրանօք.  
Իմացաւ որ մտցրել էին իրան մի անծա-  
նօթ տեղ, ուր ո՛չ անտառ կար և ո՛չ ա-



նապատ. ուր հօրիզօնն իսկ վանդակի էր նմանում — փակւած, կարճ, սեղմւած, և օդը ճնշող, թանձր, հեղձուցիչ:

Զշմած, մեքենայաբար կերաւ ինչ տւին, արեց՝ ինչ ուզեցին: Է՛լ չըմռնչաց, էլ չըկատաղեց, միայն կծկւած վանդակի մի անկիւնում՝ անշարժ ժամերով, միտքն իր անապատին, երազը՝ անտառին, լայնարձակ օդին՝ դառն հեկեկանքով լացաւ ու մեռնել ուզեց...

Այդպէս նրան տարան, շրջեցրին քաղաքներ, նորից ջրեր ասցկացրին, նորից մուսլ, խեղդիչ երկիրներ և վերջ ի վերջոյ մի անտառանման այգու մէջ մտցրին. վանդակը բարձրացրին, ստիպեցին նրան անցնել մի ուրիշ աւելի մեծ ու կլոր շրջանակի մէջ, դուռը փակեցին, մի կտոր միս էլ ներս ձգեցին և թողեցին հեռացան...

Առիւծն այժմ գաղանանոցումն էր:

Ի ցոյց էր դրւած մի մեծ ու կլոր բարձր վանդակում, ուր մինչև իսկ, կարճես նրան ծաղրելու համար, փոքրիկ քարերից՝ ջնչին, խաղալիքի նմանող մի ժայռ էին կազմել, մօտն էլ սիւնի պէս կերտւած, ցանցառ տերևներով, մանրիկ ճիւղերով ճղճիմ ծառ տնկել, ծառի տակը՝ ջրի աւազան, վանդակի յատակի վրայ՝ ծովի չոր աւազ..."

Առիւծը շուրջը նայեց, զգանքով տեսաւ իր ազատ հայրենիքը ծաղրող ծառըն ու ժայռը, պոչով փշրեց առաջինը, ոտքով կոտորեց երկրորդը և դուրս նայեց: Գիմացը՝ պատեր, հեռուն՝ ուրիշ վանդակներ էլ. ապա՝ մուսլ ծառեր և նրանց տակը պատող զմուծ նայողներ, որոնք երբեմն մօտ էին գալիս, բերանը բաց՝ դիտում և կամ ահաբեկ՝ ետ ետ էին քաշւում...

Եւ յանկարծ այդ բոլորի մէջ լսեց



մի ծանօթ ու խուպոտ մունչիւն, որ լուտանքով գոչում էր.

— Ողջո՛յն անկեալ վեհափառութեան!...

Գարձաւ: Իրանից տասը քայլ հեռու, նոյնպէս վանդակում, ձողերի միջից գլուխն երերցնելով, չարամիտ վագրը աչքերն հեզնութեամբ լի՛ իրան էր նայում և երբ նրանց ականակները միմեանց հանդիպեցին, արիւնարբու գազանը օռնաց ու ասաց.

— Ողջո՛յն, անապատի հզօր դու արքայ, դու անտառների, ազատ ժայռերի մեծդ դու հսկայ, եկել ես մեզ ընկեր—մեզ՝ ճնչիներիս, մեզ ստորներիս բախտակից եղել... Ողջո՛յն, ողջո՛յն ուրեմն, անկեալդ վեհափառութիւն!...

Ապա մի մեծ քրքիչ, չարախնդաց, դիւային ծիծաղ լսեց նրա վանդակից, յետոյ քրքիջն անցաւ մի երրորդ վանդակ,

որտեղից ինձը ատամները բացած, փայլուն աչքերով նայում էր հեզնութեամբ... Եւ այդպէս, մէկէն, քրքիջը քայլեց, վանդակից վանդակ մտաւ և մի րոպէի մէջ առիւծն իրան գտաւ շրջապատւած՝ ճնչի անասունների, գերի գազանների, գայլի և նոյն իսկ կապիկների՝ ծաղրով ու հեզնութիւններով:

— Ա՛հ, արքայ, խոնարհ մեր ողջո՛յն, կանչում էր ինձը:

— Ողորմած եղիր, հզօր թագաւոր, որ համարձակու՞մ ենք քեզ ընկեր լինել. օռնում էր գայլը:

— Մենք կապիկներս քեզնից հզօր ենք, ճչում էին անձուռնիները— որովհետև ուրախ ենք և կատակում ենք...

Ու ծաղր, հեզնութիւն, քրքիջ, աղաղակ ամեն կողմից երկար՝ տեղացին բռնւած հզօրի անպաշտպան գլխին...

Առիւծը մռնչաց, ոտանեց գէպի ձո-



ղերը, ուզեց զուրս ելնել, տրորել — ջարդել այդ հեգնողներին... բայց բաղխւեց ձողերի, գազանապսւհի հրաշէկ երկաթը այրեց նրա թաթը և նա նկուռն, կատաղի՝ զլուխը թաթերի մէջ առաւ և ուզեց մեռնել...

—

Գառն էր այդ բոլորը, գառն, անտանելի: Մեռնելը խիստ լաւ էր: Կուզեանար տեսնել իր արեան կաթիլ առ կաթիլ քամւելը, իր անդամների կտոր առ կտոր բզկտւելը, կուզեանար թաթերը փշրել ձողերի վրայ, սիրտը յօշոտել, կորզել զուրս ձգել. .

Գիշերն էլ եկաւ մռայլ ու խոնաւ: Ծաղրն ու քրքիջը սաստկացաւ, մեծացաւ.

— Ա՛հ, մեռնելուց վախենում ես, գոչում էր վազրը — վանդակի մէջ ես, փառաւոր արքայ...

— Ա՛հ, դու թշւանու ես, առիւծ ահալից, մլաւում էր ինձը...

— Թժքել, թժքել առիւծի վրայ. ճչում էին կապիկները...

Առիւծը գլուխը կռացրեց, քաշեց քարերի ետևը, աշխատեց մթութեան մէջ ընկղմել, ծածկւել և այդ ծաղրող ձայները չըլսել:

Ա՛հ, պէտք էր զուրս գնալ. ինչ որ էլ լինէր, մեռնէր կամ ապրէր — պէտք էր զուրս ելնել, ոտքի տակ տալ, տրորել ամեն բան, ամեն արարած, միայն մի բոլոյն, մի վայրկեան ազատութեան մէջ լինել, այնտեղ էլ մեռնել...

Եւ նա մօտեցաւ վանդակի դռան, խուլ մռնչիւններով քաշեց ձողերը, ցնցեց ամեն բան ու գերբնական մի ոյժով, յուսահատ ճիգով փշրեց դռան շղթան ու զուրս թռաւ իր դիմացը բռնւած հրաշէկ երկաթի վրայ...



Գազանապահն էր այն, մի սպառնալից, կրակած ձողակով՝ որ մօտենում էր նրան և հնչեղ ձայնով ներս հրաւիրում...

Առիւծը ժողովեց իրան, յետոյ ոտնեց:

— Մեռնել ազատ... զոչեց նա. և երկաթը վժժալով նրա կուրծքը մղեց:

Առիւծը գալարեց, երկնքին նայեց, անապատը երազեց, անտառին հառաչեց և հրաշէկ երկաթը կրծքին, աչքերն ազատութեան, մեռաւ քաջի պէս, բայց, ազատ օդում, ազատ երկնքի տակ...



ՀՀ Ազգային գրադարան



NL0685890







